



THE DAYBREAK

"Wankantanhan Anpao kin hiyouhipi."—Luke 1. 78.

Vol. XXVIII-No. 3

FOREST CITY, SO. DAK., MAY-JUNE, 1913

Wokajuju 50 Cents

The Convocation of The Niobrara Deanery is hereby called to meet at St. Mary's Church, Sisseton Agency, S. D. July 11, 1913.

Geo. Biller, Jr.,

Bishop of South Dakota.

Niobrara Deanery el Convocation kin he le eiyatanhan St. Mary's Tipi Wakan kin, Sisseton Agency ekta July 11, 1913 himni-ciye kta e wicaweco.

Geo. Biller, Jr.,

Bishop of South Dakota.

Lecel yaotaninpi kin on Wicaša wakan na Helper na Catechist, na Kañniñ hihi Anpao okage cin le el Program okagapi kin tanyan ablezapi kta uncinpi. Nahan Winyan Omniciye kin on tona Kañniñ hihi kte cin he omniciye tawapi kin on Program wan ognas kanpi kta se untagapi kin nakun awiyukcanpi kta uncinpi.

Wacaša wakan oyašin White Stole (Cutin Ska) yuha hihi kta Bishop keye. Nahan tona Kañniñ hihi kin iyohila Wocekiye wowapi na Olowan wowapi nomnom yuha hihi kta na wacekiyapi kin hel hena unpi kta cin na yaotanin unšipi.

Hekta Convocation qon lecel cajeyatapi na wayustanpi: "Dominique Long Bull, Standing Rock etanhan wacajeyate qa Convocation ekta kaliniñ yewicašipi kin hena mazacanku wokajuju kin kawašakayanaked wicakicagapi kta e tukte oknayan kuwapica kta iyececa keya qa taku kin de wicota iwokdakapi, qa ohanketa woyušan kin he decetu. Bishop teca kin hee, qa Convocation Wowapi kage cin henaos mazacanku awanyakapi kin hena ob iwokdakapi kte" hecen yušanpi.

Iwankam taku eyapi kin he Bishop teca kin he iye eekiya Rural Dean kin he econsi, na wanna mazacanku awanyakapi kin omšan, tka nahañcin ecel yušanpi šni. Anpao okage cin le el toketu kte einhan unkoyakapi kta unkecinpi, tka mazacanku wi-

caša kitanna hanhipi. Okage cin le el oyag unkokihipi šni hecinhan kohan Wošna kaga kin hena onahonwieunyanpi kta, na iyepi sam oyakapi kta. Itahena lecel ablezapi kta wašte. Yuwašakalapi kta ca wicaša opawinge, is isanpa mazacanku ogn omniciye on omanipi kinhan heceera okihipica iteka. Hecel lehan wicota maza canku ilagiyapi kta iyececa.

Ieiwanyakapi, na wicaša wanji kinhan tokel wokajuju ece kin le ihukuya unkowapi. Oinajin wan cajeyatapi kin hetanhan Peever oinajin behanyan kapi.

Springfield	9.46
Wagner	10.14
Interior	13.71
Reliance	9.50
Chamberlain	9.32
Pukwana	9.05
Dupree	9.95
Eagle Butte	9.33
LaPlant	8.31
Promise	7.83
Timberlake	7.97
Junction	7.35
McLaughlin	7.60
Wakpala	7.02
Mobridge	6.66

Triennial Convocation kin he Rapid City el econpi kta seca unkeyapi qon, he yutokecapi na Mitchell, S.D., ekta June 22, 1913 kinhan unciyapi kta yaotaninpi.

Tentative Program for Wom. Aux. at 1913 Convocation.

FIRST DAY.

9 A. M.	Holy Communion, United Service.
3 P. M.	Meet in Aux tent. Address by the Bishop. Presentation of offerings to the Bishop.
5 "	Adjourn.
7:30 "	Meeting in tent. Topic No. 1.

SECOND DAY

9 A. M.	Morning Prayer, United Service.
9:30	Presentation of offerings to the Bishop.
2:30 P. M.	Presentation of offerings.
5	Adjourn.
7:30	General Meeting in Wom. Aux. tent.

THIRD DAY

9 A. M.	United Service, Holy Communion.
2:30 P. M.	Service for Women and Men.

Ten Minute Addresses—

Rev. A. B. Clark,
Rev. H. Burt,
Rev. Dr. E. Ashley

3:45 Wom. Aux. meeting
Presentation of Topics No. 2 and 3
Even'g.—General meeting of Auxiliary

FOURTH DAY

9 A. M.—Morning Prayer, United Service

9:30 Wom. Aux. Business

12 (noon) Adjourn?

Joint Service and Benediction by the Bishop

Topics to be presented to the Women by Women. It is suggested that the speakers be selected by Mrs. Burt, secretary of the Wom. Aux.—

1. What may the women do to further strengthen the Church among the Dakotas?
2. How best to interest the girls in Church work?
3. What should mothers, and fathers, do for the boys?

May wi wiyatawapi kin Brotherhood Christian Unity kin St. John Tipi wakan el omniciye wašte wan econpi. Hel Peter Stands, Wawokiya un. Hekta April 25 qon Casmu paha el St. Marys Winyan omniciye kin takuku econpi na etanhan mazaska 119.25 kannapi.

N. Joyner.

Kyle etanhan.

Anpao kin :

Kola, Takul epin kta ye lo, ca laotanin kta wacin. Hekta March 23 1913 qon he Woekicetu anpetu kin el wicaša tom heon woglakapi. Tokeya Ralph Old Horse he Wankiye kin katinyan wokakije itkoka qon he woglaka. Okiheya James Thompson he Woacaksin wotapi qon he woglaka. Hyamni Robert White he Itancan wiyopeyapi na yasupi qon he woglaka. Topa Mr. R. B. Brown he Waonspekiye heca na Wicaše cin on woglaka. Tohanu Wakantanka wicaša kage oyakapi qon hel na lebanhan tokel on wicaše un kin ataya oyake. Ho miš kini qon he iwowaglaka. Ho hecetu. Tona le wanlakapi kin ceunkiciciya po. Nitakuyepi wauji iyotan onšike cōn he Cuny W. Deer.

Crow Creek, S. D.

Anpao kin :

Ito unkiš eya St. Peter Chapel etanhan Winyan Omniciye kin oi-

tancan apiunkiyapi kin unyecidaotaninpi kta uncinpi.

Maggie Keble, President,
Susie Ocho, Vice President
Victoria Ouncage, Treasurer
Cora Keble, Secretary

Mary Tawacin wašte win, Store Keeper

Dollie Stands on Top, United Offering box

Mary Riley qa Emma White Mouse, Wamnanpi

Martha Tunkan duta win, na Jennie Tiyona, Wakaptapi.

Iho dena ake de omaka kin Wakantanka ihukuya wowaši econqonpi kta e unkahniyapi. Unkan tonkin nis eya tona de omaka kin ed heca yaunpi hecinhan hena owasin unyksuyapi qa tohan woceliye abayi ececa woyušanpi. Nin ecanmi. Eya miye Secretary waun šni eša micinca e Secretary yušanpi tka nahañcin wayawa un ececa eša tuwena heca kta iyececa šni heon wakanheja ece eša Winyan omniciye opapi kin heon hena oitancan wicunkahniyapi. Iho mitakuyepi tona Anpao kin dawapi kin owasin napeciyuzapi.

Mrs. Maggie Keble.

Kyle, S. D.,

From Mediator Chapel.

Dear Day Break:

The new officers of the Young Women Christian Association were installed at the meeting held at the residence of Eagle Heart, Helper; Daniel Red Eyes led the meeting and gave a very interesting talk. Miss Jennie White was then unanimously chosen as president for the coming year. The other officers are:

Vice Pres., Mrs. Jessie American Horse,
Secretary, Miss Sarah Blue Bird Treas., Mrs. Bessie Eagle Heart Collectors, Mrs. Hattie Parts Hair and Mrs. Rebecca Frog Seller, Mrs. Strikes Plenty.

To the new officers and members, the new President gives thanks for electing her. The meeting closed with a few words by Daniel Red Eyes and Mr. Edward Eagle Heart. With compliments,

James Blue Bird,
Late Secretary

THE DAYBREAK.

REV. E. ASHLEY, LL. D., Editor

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY, LL. D.
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotaniin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nitawa glugal, canicipawega akan otkeyahan yann tka qon, maka akan wicaša unpi kin owasin Niye ekta etonwanpi qa niwicayapi nunwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakun sanpa yewicayaši kta e onšičiya iceunniciyapi: hecel Waawanglake wicaka na wacinyepica heca iyenakecapi kin on Okolakiciye-wakan nitawa kin iyuškin kta, na Nitokiconze wašte oicago tawa kin yuntankapi kta; Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiyeye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinea wašte uyaši qon; wicaša oyasin onlepi na iyenianpi nunwe. Oyate kin optaye nitawa kin opewicaya ye, na Ikcewicasa kin wokiconze nitawa ekta awicagli ye. Tona wicayeco kin ecela wicaluecetu, na nitokiconze kin kohanna uyakiyān kta iceunniciyapi; Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicayakite ca niwicayayin kta e yahi kin, na mahpiya ekta na maka akan wowašake-ataya nicupi kin, tona econwicayaši kin eciyatanhan, wicaša otoiyo hi Wotaniin Wašte kin owicakiyakin kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe elipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; makošica on wicate cin etanhan; šicaya wicakuwa toohitika-kin etanhan; wocetungla na inahnipi etanhan; wowacinibošake na owolutaton kin etanhan; na oiyokpaza itancan iciconzapi kin owasin etanhan ewicayaku ye. Na wojupi na miniakastanpi kin icunhan waicaliyē cin, Niye, O ITANCAN, uwicakiya ye, Ikcewicasa wicota hein omnawicaya ye, Christian tamakocepi kin ekta tona wowanikiye hinko tanka aktapi šoi kin hena wicayuhomni ye, hecel, O Maka Wanikiya waonšila kin, Nicaje yatanpi kta na Nitokiconze u kta: Niye, Ateyapi kin na Woniya Wakan kin ob woyuonihan na wovitan luha, nunwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan. Wiconi Aguyapi ni un kin Mahpiya eciyatanhan hi kin he olepi na iyeyapi kta e iceunniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

Tentative Program for the 1913 Convocation of Niobrara Deanery.

JULY 10, 1913—THURSDAY, 8 p.m.—Conference of Bishop with Superintending Presbyters.

FIRST DAY—FRIDAY July 11, 1913.

9 a.m.—Holy Communion, United Service
Hymn
Bishop's Address
Hymn
Ante Communion—Rev. A. Ross, as Dean of Convocation
Epistle—Rev. B. P. Lambert
Gospel—Rev. J. Robinson
Preacher—Rev. P. J. Deloria (sermon not to exceed 20 minutes)
Prayer for Church Militant—Rev. L. C. Walker
Absolution
Celebrant—The Bishop
Post Communion—Rev. W. Holmes.
(Offering for N. C. S. Fund and Convocation Fund)
2:30 P. M.—Organization of Convocation as provided in Rules of Order.
Business.
5 P. M.—Adjournment
7 " Camp Evening Prayer
8 " Conference of Bishop and Native Workers

SECOND DAY—SATURDAY July 12, 1913.

9 A. M.—Morning Prayer, United Service—Rev. L. C. Walker and Rev. Geo. Laurence
30 minute address by the Bishop, or some one selected by him.
Convocation business
Prayers for Missions
12 (noon)—Adjourn
2:30 P. M.—Convocation business
5 " Adjourn
7 " Camp Evening Prayer
Evening used for Society meetings

THIRD DAY—SUNDAY July 13, 1913.

9 A. M.—Holy Communion, united service
Ante Communion—Rev. A. B. Clark
Epistle—Rev. H. Burt
Gospel—Rev. N. Joyner
Preacher and Celebrant—the Bishop
Post Communion—Rev. Dr. E. Ashley
(Offering as on first day)
2:30 P. M.—Union Service (Dakota)
10 minute addresses by—
Rev. A. B. Clark. (Faith)
Rev. H. Burt. (Duty)
Rev. Dr. E. Ashley (Prayer)
3:15—Meeting for Junior Aux. and other children
The Bishop
3:45—English Service(?)
The Rev. J. Floekhart
The Rev. N. Joyner
The Bishop
Evening—Separate meetings for Wom. Aux. and other societies

FOURTH DAY—MONDAY July 14, 1913.

9 A. M.—Morning Prayer, united service
Rev. B. P. Lambert and Rev. H. Welsh
12 (noon)—Adjournment(?)
Closing Service and Benediction by the Bishop.

XIV.—WOAHTANI OKDAKAPI KIN.

Oyate wicitokam Wakantanka en woahtani okdakapi kin he wotapi wakan kin en otakiya cajeyatapi. Dena dawapi kte, Lev. 5th, 5, 6; 16th, 21; 1 Samuel 7th, 15; St. Matthew 3. 16. Christian Okodakiciye Wakan kin he otokahayašce kin ekta ocon tawapi kin he token ocon yuhapi kin he St. Basil (A. D. 370) decen oyaka. "Hahannahcin nahanhecin anpa kin tanyan kabdeze šni heehanna oyate

unkitawapi kin, owacekiye tipi kin ikduwitawapi, qa he en ištamni hanpe auya, wocantešica yuha hawayahan woahtani tawapi kin Wakantanka en okdakapi, qa hehan ehakena cekiyapi kin etanhan inajinpi qa dowanpi ecee ce" hecen oyaka.

Okodakiciye Wakan unkitawapi kin en oyate wicitokam on Woahtani okdakapi kta ocon kin rom unyunapi. Unma Anpetu otoiyo hi wocekiye ocon kin en unpi, qa unma iš Wotapi Wakan kin wanna icupi kte cin hen itokam unpi ecee. Hahanna wacekiyapi qa Htayetu wacekiyapi kin en unpi kta yanke cin he zaptankiya ki-yušpeya awacinpica. 1. Wakan-tanka tacanku kin etanhan itokan unyanpi, qa ouncege unkitawapi kin he taku šica ojuna e hecen on-šičiya unkokdakapi. 2. Woahtani kin on token econunšipi tka unkakiktonjapi kin he oiyokišice. 3. Onšičiandapi kta e hoyeunyanpi. 4. Christ eciyatanhan woahtani kin unkičicajujupi qa unyuecetupi kta e iceunkiyapi. 5. Tokatakiya wiconi wašte oklayan unhipi kta e on iceunkiyapi.

On woahtani okdakapi kta ocon yanke cin he wicoie kin hena tokeli yanke cin he wanjigji tanyan ayabdezapi kta iyececa. Wakan-tanka etanhan itokan unyanpi eyapi kin he talicaskana wan nuni kin he iyeuncecapi keya. Talicaskana wan nuni kin he, Talicaskana awanwicayake cin he ho kin nahon šni ehantanhanš optaye kin etanhan sanpa qa sanpa akokiya yin kta. Wakantanka tipiwakan tawa kin etanhan unkipan yuke cin hena otoiyo hi nuni unkomani pi e heon he unkipanpi e hecen awa-uncinpi kta iyececa.

Taku unkičiantepi en unkonzapi, qa cantihunyanpi kin, eyapi kin he unkičiantepi oyuze kin he taku šica ojuna kin on Wakantanka woope tawa kin hena kicakse unyanpi ecee, heon etanhan unkičiantepi oyuze kin he ihakan unyanpi kinhan he wokokipe wan heca. Taku econqonpi kta iyececa kin otakiya ecen econqonpi šni. Heon etanhan tohan wicošan šica wanji econqonpi eca he woahtani ecee kin, he iš eya iyeceš taku owotanna econqonpi kta iyececa tka econqonpi šni kin hena nakun woahtani kin heca. Dena wanyaka po, St. Matt. 25th 42-45; St. James 4th 17.

Taku tona econ kta iyececa šni tka econ qon he tonakeca hecinhan hena tuwena kdawa kta okihi šni. Woahtani kin hena woawacin qa wicacanteoyuze, qa tohanpi henaked on walahtanpi ecee. Nakunš tuktektan woahtani wan econqonpi keš unkičisuyapi šni hececa yuke. Hecen on awicakehan tuktena tanzaniyan unqonpi šni kin hee. Psalm 51. 5; Rom. 7. 18.

Hecen on touncecapi kin he tanyan iwanunkičikdakapi kinhan

behan walahtaniš'asica onunšikapi kin eya unkičiantaninpi kin he awicakehan hecetu. Woahtani kin hena unwahtepi šni, qa cantewas-teya unqonpi šni kin hena he kaga ecee, hecen on sam tanyan sdoničiya unkičiyapi kin he iyaki-yuš Walahtaniš'asica onunšikapi kin, eya unkičihipi kte cin he awicakehan hecetu. Woahtani kin hena nakun Wakantanka en pidanšniyan waecon unyanpi ecee kin he nakun awauncinpi kta iyececa, hena tuktektan eciyatanhan unkičiyepi kin walahtaniš'a onšičika unkičiyepi kin hecena šni, tka nakun Tuwa taku waštešte unkičiyepi etkiya eca-unkičionpi kin, hee ca nakun yu-onihanšni unyanpi ecee. Hecen on nakun Wakantanka cin kinhan iyopeunyanpi kta hecinhan hena ikipi, tka hececa eša Iye kin cin niunkiya miye eya ceunkiyapi kin hee, hecen on iyopeunyanpi kta iyeuncecapi kta qon he etanhan kašo iyeunyanpi qa elipeunyanpi kte šni e hecen iceunkiyapi. Qa de heceli econ kta okihi kin he sdonunyanpi, ecin St. John 1st 8, 9, hena en woiwahoye wašte otehi ka on hecen wahounyanpi kin heon. Tona iyopeičiyapi kin hena wicakiduecetu kta hecen Iye kin en undapi, qa token he unkapi kin he ake hektakiya Iye towaonšida kin en opeunkiyapi kta, qa wookiye tawa kin he unqupi kta, qa Iye towiyuškin kin he unqupi kta hecen he unkapi. Tona iyopeičiyapi kin hena Wakantanka wi-hahaya iwicakikcu kta e wiyeya un kin he Wanikiya unkitawapi kin wiyacinpi Iyotan wašte wan on onspeunkiyapi, St. Luke 15th 11-24 hen wanyaka po. Nakun woiwahoye wašte otehi ka ota on tona woahtani tawapi kin on icantešicapi kinhan hena owasin Iye niwicaye kta hecen wahounyanpi, qa Wanikiya kin waonspekiye cin atayaked heciyotan ecena waonspekiye e hecen onspeunkiyapi, St. Matt. 11th 28, 1 Tim. 1st 15, 1 St. John 2d 1, 2 hena en dawapi kte. Awicakehan woahtani on iyopeičiyapi kin hena ikceya okdakapi kta hehanyena kapi šni, tka nakun woahtani kin hena ayuštanpi kta hecen he kapi. Hecen on Iye ounkiyapi qa tokatakiya wiconi wašte wan oknayan unni pi kta e on Iye okihiunyanpi kta hecen undapi. Wakantanka en ewacinyan unni pi kta unkeyapi kin he taku tona Wakantanka iyowaja kin hena he unkapi. Iye kin iyececa unkičicagapi kta e unkuwapi kte, qa okage wašte li ca wan iyakna unyanpi kte cin he Christ kin hee kta. Owotanniyan unni pi kta unkeyapi kin he wicaša ob unqonpi kin hena taku wanji on šicaya iyayewicunyanpi kta iyececa hecinhan hena aounhomnipi, qa ee taku wašte eawicunkičionpi kte cin heca e unkičitapi kta hecen he unkapi. Badesyahan unni pi kta unkeyapi kin he unkičiyepi kin awaunkičicinpī, qa takuku anaičī-

pta unkokihipi kte, qa bdesya waawauncinpi, qa taku unyuhapi kta iyececa kin hena etanhan tukte iyotan wankantuya hecinhan hena tanyan unkiyukeanpi kta. Wiconi owotanna lice kin he decetu. Wakantanka ibakam maunnipi kte, qa unkiyena unpi kin hena unkiyepi iyecen wastewicundakapi kte, qa unkiyepi iyatayena bdesyahan awanunkicikdakapi kte cin hena he on Wakantanka wowitan yuba kte cin hena ee:

On woaltani okdakapi kin de on taku eyepica kin de decetu. 1. On woaltani okdakapi kin awicakehan okage iyotan waste kin he dee. Wicoie token hiyeye cin hena tohanmahetuya taku kapi kin hena iyojuna awacin nhinkdapi kte sni naceca, qa hehan unkiš unkiyepi iyatayena tohanyan woaltani kin eknayan unqonpi kin hena ataya sdonkiya iyeunyanpi kte sni naceca, tka eqeš Okodakiciye Wakan kin he on woaltani okdakapi okage iyotan waste wan unkitokam eunikiciknakapi, hecen he yuha tawa cin kin ekta kabtan unkiyepi kte cin he awicakehan hecetu. On woaltani okdakapi econ kin de tuwepi keceyas unpi kte cin ataya tanyan wicakipi, ecin woaltani obe hiyeye cin he wanjina apateya cajeyate sni, qaiš wanji on etanhan iyokawinlweh oyaka yanke sni, hecen econ unkapš hehan onge kipipi kte sni tka. Heon etanhan unkna tuwa wan wawiwange ca heyin kta. Tuwa wan awicakehan walitanis'a kinhan he awicakehan onsiiciya on woaltani okdakapi kta waste kin he okage kin tukte okna waste kta he? eya wawiwange cinhan hehan okage wan iyotan waste, qa woaltani obe kin he wanji tukte keša on okdakapi kta wan ataya wicakipi e unyuhapi kin he dee.

2. On woaltani okdakapi, Econ kin de tona unpi kte cin he eante ecena, qa ho onsiiciya, qa oopiiciye kin ekta ninali ikduhukuya econpi kte, qa he canpeškamakekde najinpi kte cin hee. Cante ecena unkeyapi kin he wknaye waninya econpi kta hecen he nnkapi. Wicoie kin hena eu ewacinšniyan eya nnkayapi kte sni, qaiš woaltani unkokdakapi kin he wanji heceknana kduha ikoyag unqonpi kta wacinyus unkeyapi kta hee sni, tka awicakehan woaltani kin hena on icanteunsi-capi kte, qa onsiiciya canpeškamakekde naunjinpi qa wicaša-wakan kin ihakam wicoie kiu dena eya unkeyapi kte cin he hecetu. Wicacante oyuze iowicaqa Iyotan Tanka kin hee ca wanna itokam unyankapi, heon etanhan woape unkitawapi kin he Iye towaonšida kin he iwacinunyanpi kta iyececa kin hee.

Crow Creek, S. D.

Anpao kin :

July 12, 13, 1912, Crow Creek Convocation econpi kin icakda B. C. U. yeu Branch mniciyapi qa taku econpi owapi kin dee. Greenwood etanhan Ruben Spotted Eagle opapi kdajujupi kin \$14.00; Wiwazica wokajuju kin \$10 ahi. Wakpala, St. Elizabeth's etanhan John Red Hawk opapi kdajujupi kin \$35.50; Wiwazica wokajuju kin \$21 ahi. Talca wakpa etanhan Lancel Decory opapi kdajujupi kin \$; Wawizica wokajuju kin \$5 ahi. Cheyenne River etanhan Rev. John Wahoyapi opapi kdajuju kin \$7.75; Wiwazica wokajuju \$7.75 ahi. Bull Head etanhan Paul Eagle Bull iye atayena kdajuju, opapi kdajujupi kin on \$1; Wiwazica wokajuju kin on \$1. Talca wakpa etanhan Charlie Tackett iye atayena, opapi kdajujupi kin on \$1; Wiwazica wokajuju on \$1 kdajuju, Rosebud St. Paul Chapel etanhan John T. Henry opapi kdajuju kin \$15; Wiwazica wokajuju kin \$6 ahi. Wakinyena paha etanhan John Wanbli hušte opapi kdajujupi kin \$12; Wiwazica wokajuju kin \$2.25 ahi. Crow Creek etanhan John Grey Bear opapi kdajujupi kin \$7; Wiwazica 5 api.

Hehan Mr. Henry Stricker hapi kin en Tombstone wanji ekdepi kta on womnaye kdoi pi kin dena eepi; John Wanbli hušte \$4; James Broken Leg \$3; Ruben Spotted Eagle 1; Paul Sukpana 1; ahipi. Hehan ataya mazaska awanyaka okdake cin pawitaya \$1.963.33. Hehan Kyle etanhan Paul Sukpana \$1.50 ahi, hena James Wind wamnakiyapi heca.

Hehan Convocation on oksantanhan kicico au kin icunhan Chamberlain itahena Rosebud etanhan upi qeya canpakmiyan etanhan hinhpayapi on kiunni pi kin owicakiyapi kta yušanpi qa \$51.81 mnawicakiyapi. Mrs. Ida Blue Hair Horse \$20; Victoria C. Bear \$12; Darian C. Bear 12; Mr. Live White Buffalo 7.81 hecen wicacupi. Hehan tohan B. C. U. Gen. Branch kin mniciyapi can President kin iye tuwa kabnige ca he eyanpaha un eee kta hecen yušanpi. Hehan Mr. Harry Woodfae he B. C. U. wope etanhan kabšipi kin he 500 kab wicakiye cinhan okini \$50 kta keya, unkan he tokata Gen. Meeting kinhan hehan he eyapi kta e ekiknakapi.

Oct. 17, 1912 White Swan ekta St. Philip Tipi wakan okna hinlanna 10 oclock oyate wacekiyapi kin Rev. P. J. Deloria econ. De ohakab wicokaye yanke cin hehan oksantanhan omniciye ahi kin owasin wica qa winyan ko wotapi wan nina waste e unqupi, White Swan en B. C. U. unpi kin hena owote kin he unqupi. Oct. 17, 1912 afternoon Gen. Branch omniciye kta e ecen iyotankapi, Rev. P. J. Deloria wocekiye ecen econ.

Hehan Rev. David Tatiyopa qa Rev. William Saul henaos B. C. U. on wowahokonkiye eyapi. Hehan roll call oyanke etanhan ahi kin dena eepi: Santee, Rosebud, Standing Rock, Crow Creek, Lower Brule, Greenwood etanhan ayuptapi kin 29 delegates lipi. Hehan hekta omniciye ed taku ecoupi owapi kin he yawapi. Hehan mazaska ahipi kin dena eepi: Theodore Rouillard, Santee etanhan omaka kajujupi kin \$7.50; Wiwazica on \$3.75; qa Henry T. Stricker hapi en inyan ekdepi kta on womnaye 1.75 henakeca ahi. Ruben Spotted Eagle Greenwood etanhan, omaka kajujupi kin \$5 ahi. Charlie Eagle Crow Creek etanhan omaka kajujupi kin \$2; Wiwazica on 5.50 ahi. Thomas Thomkins Lower Brule etanhan omaka kajujupi kin \$8; Wiwazica on \$2 ahi. Hehan Greenwood etanhan Mr. Fitch Brown Thunder he Henry T. Stricker inyan ekieikdepi kta on womnaye kin \$5 eknaka. Hehan nakun Greenwood etanhan Mr. Peter St. Pierre he Henry T. Stricker inyan ekicikdepi kta on 10 eknaka. James Wright, Calvary Chapel, Oak Creek etanhan omaka kajujupi kin \$20; qa Wawizica on 10; qa Henry T. Stricker inyan ekicikdepi kta on 2 ahi. Hehan Henry T. Stricker on womnaye kin 75.25 hena Mr. Charlie Briggs awanyaka, unkan Rev. P. J. Deloria qa Mr. Charlie Briggs henaos inyan kin he opetonpi kta e wicayuštanpi. Hehan Wiwazica 31 mazaska wicacupi, otoiyo hi 2.91 ece icupi. Hehan B.C.U. wope etanhan maza akidiheyapi kte cin heon Itancan kin mazaska qupi kin okdaka unkan 34.77 henakeca, unkan omniciye yankapi ena okawinli Mr. Charlie Briggs wamnaye šipi unkan deon \$3 mnaye. Ito Santee School en wawiwangapi kta qa wiši kin toked iyawapi kin sdonyapi kte, qa he dehan 37.77 kin kipiya Mr. Woodface kalwicakiyiu kta yušanpi. Hehan Mr. Geo. Quinn he \$1 Wiwazica womnaye ed eknaka. Hehan Mr. Charlie Stricker, qa Mr. George Dubray, Greenwood etanhan, Mr. Asa Slow, Crow Creek etanhan hena B. C. U. kin en opapi. Committee wicakagapi kin dena eepi: Mr. Sunkhinsa, James Wright, qa Rev. B. P. Lambert. Hehan Mr. Theodore Rouillard heya, Mini waste ed Tipi wakan teca cinpi kin he owicakiyapi kta yušanpi, qa \$12 omnayanpi qa wicacupi. Hehan Bishop teca wan wopida eciyapi kta iyayustag mazaska qupi kte cin he ed Mr. John Rondell \$5 eknaka. Hehan omaka wokajujupi, Wiwazica wokajuju kin hena omaka wanji on econpi ece kin he tukte tapan oi-yaye qa ed okdihunni ece kin he 1st of January hee. Unkan nakun 1st of January eca B.C.U. oadetka oitancanpi kin hehantu can apiwi-

ciyapi ece kta yuštanpi. Hehan 1913 kin imahen Wiwazica wokajuju kin ake \$1 kta yuštanpi lecen omaka wokajuju kin 1 hecen B. C. U. opapi otoiyo hi ake 1913 kinhan 2 eunknakapi kte cin he kiksuyapi qa econ po. Hehan B. C. U. oadetka unpi kin otoiyo hi Gen. Meeting iyohi ekta Report kicagapi ece kta hecen yuštanpi. Hehan Mr. Jos. Ellis, White Swan etanhan kin he oksan tanhan den unhipi kin peji qa wayahota wicacu kin nina pidannyanpi kin unkokiciyapapi kta e Committee dena wicakagapi, Mr. Charlie Briggs, Mr. Charlie More, Mr. Oliver Prue. Hehan Mr. Wilinapa heya, Santee etanhan wicacana waste wan šunkakan cona eša dea hi, he ito šunkakan qaiš mazaska eša on okiyapi kta keya. Tuwe kin he Mr. Anpetu waste eciyapi keya, unkan he eced econpi kta yuštanpi. Homer H. Clark he Šunkakan wan Anpetu waste kin qu, nakun Mr. Charlie Briggs wanji qu. Hehan Rev. P. J. Deloria he \$20 qu, qa okawinli mnayanpi unkan 35.95 qupi; hehan tuwe Mrs. Annie St. Pierre eciyapi kin ebantanhan B. C. U. wicakdata un kin he Anpetu waste wamnakiyapi kin ed \$2 oeknaka, nakun wayahota šung yunkiya kihunni kta kipiya qu. Hehan mazaska ahiknakapi kin etanhan \$21 Dakota Wicaša wakan on wicacupi, hena Rey. H. Burt yekiya pi. Hehan omniciye kin icunhan Mr. John Jones wayazanke cin ekta omniciye etanhan onge ekta wacekiye iyayapi, omniciye kin de ed imahen wowahokonkiye wašake cin heca yukan. Hehan tokata B. C. U. ataya omniciye econpi kte cin Rosebud ekta Oak Creek hetu kta yuštanpi. Hehan oksantanhan White Swan oyate qa B. C. U. adetka wan den unpi kin he, qa St. Philip Tipi wakan kin Winyan omniciye wan yuha kin hena toked ounkiyapi kin dena, hinhana, wicokaye, štayetu taku mnyutapi kte cin unqupi, can aunpi, mini, tado unqupi, qa woyute ocaje ota un-kikpamnipi, šunkakan conkaške ed unpi kte cin unqupi, tona maza canku okna ipi kin tanyan wanke wieakiyapi, tanyan wodwicakiyapi, qa hena maza eaku okna ake kupi kte cin on mazaska wicacupi, qa oko wanjikji ed winyan ob unkipi kin ataya wodunyanpi, qa ed taku yuhapi wastešte heca wicacupi. Hehan Mrs. Deloria he oksantanhan winyan ipi qon wodwicakiya, nakun woyuha wastešte wicacu, winyanpi kin mniciyapi kin ed do-wanpi qa wocekiye kin eyapi, nakun woiyaksape qa tokatakiya iyokicipaštakapi on woyawašaka ikiciyuhapi kin nina wastešte. Hehan B. C. U. adetka den un kin \$220.60 henakeca unkeyusotapi. Hehan Mr. John Hopkins eciyapi kin he kukuše wan ataya eceknana otosya španyan, tezi kin mahen taku ota paotinzapi, qa he table akand eceknana itonkab wanka wowanyaka wan nina waste heca. Dena on oyate kin wopida ewicun-kiyapi. Homer Clark.

Wowapi kin le winyan oyasin wicaqupi tka nakun wanna tehan keš Anpao el okagapi kta wašte unkecinpi.

Crow Creek, S. D.

Mitakuyepi tecihindapi kin:

Makoce tanka unkitawapi kin, United States, eciyapi, ed Winyan Wawokiyapi (Woman's Auxiliary) oadetka owasin taku wanji yuptayenan econpi kta awacinpi e nawahon. He dec. Wowapi kağa itancan unkitawapi, Miss Julia C. Emery, taku qupi kta awacinpi. Unkan Dakota winyan omniciye unkonpi kin unkiš eya taku econpi kte cin ounpapi wašte ibdukan. Ecin winyan wašte kin de wanna waniyetu wikeemna yamni sam šakowin United States ed qa mniwanca akasam Winyan Omniciye ataya pa kin ee. Secretary of the Woman's Auxiliary (Winyan Wawokiyapi Wowapi Kağa) eya cajeyatapi, tka wowapi kağa tawicohan ecanan econ šni. Otonwe tanka qa cistinna iyaza omani qa winyan muiciyapi kin ed i qa winyan wahokonwicakiya qa iyowicapaštaka ece. Winyan Omniciye oadetka opanwiğe ota kin hena owasin sdodya, qa taku on wowaši econpi kin koya.

Omaka iyohi wakanheja unkitawapi on Christmas wawicaqupi unkiqupi qa wicahca, winolca ko on taku unqupi kin hena Miss Emery okihiunkiyapi ece. Nakun Deacon unkitawapi qa catechists qa wawokiya qa tiwahe tawapi on taku wicaqupi hena Miss Emery okihiwicakiya. Ecin unkiye he wowapi unqupi qa taku unqupi qa tona uncinpi unkokiyakapi unkan iye Winyan Omniciye tukte wanji ounkiyapi kta iyokipi kta iyukean kin he wowapi wicaqu. Unkan winyan kin taku iye econwicaši kin he wanna yaštampi kinhan nakun taku econpi kte cin he Miss Emery iwanğapi

Miss Emery ohiunyan Dakota kin ed ewacin, qa So. Dak. ed wicohan kin nina ounkiyapi. Hecen dehan "Thank you" (Pidaunyayapi) unkekiyapi kta tanyan unkihipi, taku qupi kte cin ed ounpapi kin on. Miss Emery wiši unqupi kta hee šni, tka iye wanna waniyetu ota wowaštadake on qa wacin-tankaya wicohan okiya he unkiye wašteundapi kin de on sduyeyunkiyapi kta uncinpi. Tuwena mazaska ota ehpeyin kta unkecinpi šni, tka winyan otoiyo hi kašpapi okise qaiš kašpapi wanji qaiš kangikagapi kiçun kinhan So. Dakota en Dakota winyan tanyan econpi kta.

Taku unquwapi kin de Miss Emery ecaca sdodyin kte šni unciopi, tokata ptanyetu General Convention mniciyapi šni itokab. Winyan kin General Convention ekta mniciyapi kinhan hehan mazaska kin dena qupi kta. Tka tokata April wiyawapi ehake he iye-

han mazaska kin ataya mnayanpi qa mazaska awanyake cin qupi kta cinpi. Heced, ito, niyepi tona wicohan wašte kin de ed oyapapi ya-cinpi, qa tokin iyuha heced yacinpi kta nin ecanmi tona on oyakiyapi kta he kohanna mnayakiyapi qa mayaqupi kta iyececa, heced April wi yawapi ihanke he iyehan mazaska awanyake cin waqu owakihi kta.

Eya, mitakuyepi tokin omaka kin de wicohan nitawapi ed tanyan yaškanpi ni ecanmi. Itancan unkitawapi Christ tawacin yuha yaškanpi ni, otoiyo hi oyeciyciyapi qa canteyeciyciyapi on. Wicohan kin iye tawa, qa iye on ecanonpi kin he ohinni kiksuye yaunpi kinhan hehan Iye awicakehan niye waštepi kta.

Lent omaka ihanke kin he iyehan wowapi kin de iyacupi kta naceca. Tokin, niyepi ekta wicacante teca qa iyopeiciyapi kin kağa ca icalyapi ni ecanmi. Hececa cinhan Easter ekta iyecetuya qa tanyan widuškini kta.

Cantewaštaya owasin napeciyuzapi.

Nitakuye tenihindapi kin,

Harriet E. Burt.

Miss Emery on mazaska tona maqupi kin he Convocation ekta mdaotanin kta.

WICATA.

Mrs. Julia Wakeman.

Wicağa wanji tohan wanyakapi eca ohni nina woiyokišice tanka cee, ake dehantu kin he, wicağa wan unakipapi, qa he wankan wicacaje wan owapi qon hee; He winyan kin Wicahinea wan Zuyesa eciyapi he ateya, qa winyan wahabana heca qa Wakantanka wicada winyan heca qa woawacin tawa kin he sutaya hduza qa he hduha January 15th 1913 litayetu 9 o'clock P. M. hehan maka wiconi kin ayušan. Winyan kin de išeya wotakuye ikiyedani kin heca ota wicayuha tuka wanna owasin iye itokam iyayapi qa ehake tankaku wanjidani kici ni un, qa on napin cantekiciya nipi qa ohni icikiyedau unpi qa uman tohan kakijapi eca ohni okiciyapi qa tanyan awankiciyakapi ecee, qa tankaku kin iš Mrs. Sarah Young hee, he Isanati oyate ed Capt. B. J. Young tawicu.

Ho he winyan kin de nonpapi išanana ni unpi qon ican token on šikicidapi qa ohni cante waštaya kiciyus unpi qa nipi qon hehanua šni tka he iyecen nakun tuwe kašta winyan qaiš wica šta wanwicaya kapi ohni ite iyuškinyan wanwicayakapi qa wa-napeyuzapi ece, qa ohni wawiyokipiya ni unpi qa woope wanji nina tanyan ohna econpi. "Nikiyedani un kin niye inihdacin waštayadake kta" eye ciqon hee ohna nipi qa ohni ikiciyuškinyan unpi qon wanna dehan

umanna okaptapi qa awicakehan nina cante šica on wašake šni, qa wotehi akipa tuwedani kicanp'e kta wanica išanana ni inajin nakaes qa hinhnaku Capt. B. J. Young hecedani wacinkiye kte sece qon he ohna šni tuka winyan kin dena- oza nipi nipi qonhan waeconpi qon he ohna wicakicanptapi qa tohan Mrs. Young cante woiyokišica tkeya iyahdaskica hehan nina wicota ed ahi qa wicakicanptapi qa iyokipi wicayapi qa cante tkeya yukampi qon kitanna akapojedan seca wicayapi, he wopida tanka; cante šicapi qon icunhan wicaqupi. Qa iapi kin de yuwicakapi; "Tona ceyapi kin hena om ceya po." Qa nakun tona ceyapi kin hena Wakantanka wicakihna kin he ohnan dena tona iye wacinyanpi qon hena ed uwicakiya qa Mrs. Young qa hinhnaku kici wicakihnapa qa owicakiyapi qa dena wowašte wopida kin oyate ionšundapi kin hena on sanpa Wakantanka unyatanpi qa wicašta qa winyan tona de econpi qon hena Wakantanka wicayawawašte nin unkecinpi. Mitakodapi tona de dawapi unki- ksuya miye qa nitawocekuyepi on ionšunkidapi ye.

Nitakodapi wan miye

H. M. Jones.

A new Synod Hall, wherein the House of Deputies of the General Convention will hold their sessions this fall, is being erected on the southwest corner of the grounds of the Cathedral of St. John the Divine, New York, and will be completed about July 1st. The building is 69 by 171 feet and will cost approximately \$350,000. It is the joint gift of J. Pierpont Morgan and W. Bayard Cutting, being one of the last benefactions in the lives of both.

Last year was one of the most successful in the history of Saint Luke's Hospital, Shanghai. The number of patients greatly increased. There was improvement in the condition of the hospital and in spite of increased expenses the treasurer was able to close the year with a balance of \$121. A new building containing two wards and ten private rooms was opened during the year, increasing the capacity of the hospital to 140 beds. Among other improvements was an open air ward for tubercular cases.

The total of treatments reached 72,643. There were 1,400 ward cases and more than 65,000 cases in the out-patient clinic.

In the death of Mr. J. Pierpont Morgan one of the foremost laymen of the Church is removed.

For this man, who swayed world-wide power, was at the same time earnestly religious. His services to his parish and diocese were conspicuous. For ten years he served on the Board of Missions and represented his diocese for a long term of years in the General Convention.

The children of the Sunday School of St. Matthew's Church, Fairbanks, Alaska, who gather their Easter Offering in condensed milk cans, sent to the Church Missions House last month \$580.00. The Sunday School numbers only about fifty.

So far as can be judged at this early date there is every possibility that the Easter Offering of the Sunday Schools will equal the splendid record of last year, \$167,000. It is hoped that it may even go beyond that figure. Never has there been more interest and enthusiasm displayed.

St. Augustine's School for Negroes, Raleigh, N. C., is to erect a \$5,000 dormitory for girls, to be a memorial to Mr. George C. Thomas, late treasurer of the Board of Missions.

It is reported that in one city of Southern China all the Buddhist nunneries have been closed by the government authorities. All inmates over thirty years old will be allowed to remain and will be cared for at public expense; those under thirty or over fifteen are to be sold for wives, the price being fixed at \$2.50. Those under fifteen are to be placed in training schools.

ANPAO - KIN:

REV. E. ASHLEY, LL.D., - - Editor

Rev. W. Holmes, - Assoc. "

Anpao wotanin wowapi kin wi iyohina, wiyawapi anpetu tokaheya eca wawapi tokšu kin ogna yewicakiciyapi ece.

Wi akenom (one year) on kašpapi zaptan kajujupi kta.

Wi šakpe kin kašpapi nonpa sam okise. Icupi šni itokab kdajujupi kta.

Money Order, Cheyenne Agency on opetonpi na hiyumakiyapi kta. Okihipi šni kinhan Wowapi askabyapi maqupi kta.

Tuwa wowapi kagin kta ca wowapi ska sani el owa kta.

Opetonpi kta e wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY, LL. D.

Cheyenne Agency, S. D.